

ጳጳሮሲ ፃፊዳ ናምዓንሉ ኪታ ጋሳ ቆፋ

ሃዋሪያ ጳጳሮሲ ፃፊዳ ናምዓንሉ ኪታይ ፃፊቲዳይ፣ ዲማ ዲማ ቤሳን ዲዒያ ቤኒ አማኒያ አሳሳ። ሃ ኪታ አይፌ ቆፋይ፣ ዋርዶ አስታማሬታ ኢታ ኦሱዋኔ ኤንታ ተሚርቲያ ጋሶን ሜዴቲዳ ዩላያ ዴዑዋ ኢፃና ሜላሳ። ሄ ሜዴቲዳ ሜቶታ ዲጋናው ኦጌ ጊዳናይ፣ ዩሱሳ ባንታ አይፊያን ቤዒዳ አሳቲኔ ኢ ታማርሲያ ዋዴ ባንታ ሃይላን ሲዒዳ አሳቲ ታማርሲዳ ተሚርቲያ ባጋራ ያሳባኔ ጎዳ ዩሱስ ኪሪስቶሳ ባ አማንሉያ ኤራ ኦይካናይሳ። ፃፊይ ሚንሉዲ ኦዲዳይ፣ «ኪሪስቶሲ ናምዓንሉ ዩና» ያጌያ ዋርዶ ተሚርቲያባ። ሄ ቆፋ ሚንሉዲ ኦዲሼ፣ «ኪሪስቶሲ ሲሚዲ ዮና ጋምዒዳይ፣ አሳ ኡባይ ባ ናጋራፔ ሲማና ሜላፔ አቲን ኦኒካ ጳያና ሜላ ኮዮና ጊሾሳ» ያጌስ።

2 ጳጳሮሳ ኪታ አይፌ ቆፋታ

ሳርሶ 1:1-2
አማኒያ አሳ ፃሳ 1:3-21
ዋርዶ አስታማሬታ 2:1-22
ኪሪስቶሳ ናምዓንሉ ዩሳ 3:1-18

1 ዩሱስ ኪሪስቶሳ ሃዋሪይኔ ኢያ አይሌይ፣ ታኒ፣ ሲሞን ጳጳሮሲ፣ ኑ ያሳኔ ኑና አሺያ ዩሱስ ኪሪስቶሳ ፃሎቴላ ባጋራ ኑይሳ ሜላ አልዎ አማኖ ኤኪዳይሳታስ ሃ ዲብዳቢያ ፃፋሰ።

2 ያሳኔ ኑ ጎዳ ዩሱሳ ኤርን አዶ ኬሃቴላይኔ ሳርይ ሂንቴው ኩሞ።

ያሳ ፃሳኔ ደሩዋ

3 ባ ቦንቾኒኔ ሎዎቴላን ኑና ፀጊዳ ኢያ ኤርን ዴዎሲኔ ያሳ ዳኒዲ ዳናው ኮሺያባ ኡባ ያሳይ ባ ዋልቃን ኑስ አሚሰ። 4 ሂንቴ ኢታ አሞ ጋሶን ሜዴቲያ ሃ አላሚያን ዴዒያ ባሻፌ ኬሲ ኤካናዳኔ ያሳ ያሳቴላን ሻኬታናዳ፣ ሃ ኢሞታታ ባጋራ ዳር አልዎኔ ጊታ ኡፋይሳ ኑስ አሚሰ። 5 ሃሳ ጊሾ፣ ሚኒዲ፣ ሂንቴ አማኑዋ ቦላ ሎዎቴላ፣ ሎዎቴላ ቦላ ኤራቴላ፣ 6 ኤራቴላ ቦላ ሳና ሃር፣ ባና ሃር ቦላ ጌንጫ፣ ጌንጫ ቦላ ያሳ ዳና፣ 7 ያሳ ዳና ቦላ አሻቴላ ኬሃቴላ፣ አሻቴላ ኬሃቴላ ቦላ ሲቆ ጉጂቲ። 8 ሃይሳቲ ሂንቴው

ዳሪዲ ዳዲያባ ጊዲኮ፡ ጎዳ ዩሱስ ኪሪስቶስ ኤሮን ማዲያ ኣሲኔ ኣይፌራ ዳዲያ ኣሲ ኦላና። 9 ሺን ሄሳቲ ባይና ኦኒካ ማታን ዳዲያባ ፃላላ ቤዲያ ቆቄ። ኢ ባ ካሴ ናጋራፔ ጌዩዳይሳ ደጊሰ።

10 ሄሳ ጊሹ፡ ታ ኢሻቶ፡ ሂንቲ ጭሳኔ ሂንቲ ደራዋ ማንፋናው ካሴይሳፌ ኣሊዲ ማኒቲ። ሂንቲ ሄሳታ ኦሊያባ ጊዲኮ፡ ቋቤቴኬታ። 11 ሄሳን ኦ ጎዳኔ ኦና ኣሺያ ዩሱስ ኪሪስቶስ ሜሪና ካዋቴላ ጌሊያ ኩሜላ ማታይ ሂንቲው ኢሜታና።

12 ሄሳ ጊሹ፡ ሂንቲ ሃይሳታ ኤሪያባኔ ሄ ኦይኪዳ ቱማን ማኒዲ ዳዲያባ ጊዲኮካ፡ ታኒ ሃይሳታ ኡባ ዋዴ ሂንቲና ሃሳዩሶ ኣጊኬ። 13 ታኒ ሸምፖራ ዳዲዳ ዋዴ ኡባን ሂንቲና ሃሳዩሳናይሲ ኮሺያባ ጋዳ ቆፓይሰ። 14 ኦ ጎዳ ዩሱስ ኪሪስቶሲ ታው ቆንጨሳዳይሳዳ ታኒ ሃ ሃይቂያ ኣሳቴላ ጋምዖና ቃራ ዩጋዳ ባናይሳ ኤራይሰ። 15 ታኒ ሂንቲፌ ሻኬቲኮካ ሂንቲ ሃይሳታ ኡባ ዋዴ ኣኬካና ማላ ታው ዳንዳዔቲያባ ኡባ ኦላና።

16 ኦኒ ጎዳ ኪሪስቶስ ዋልቃኔ ኢያ ዩሳባ ሂንቲው ኦይይ፡ ኢያ ጊታ ቦንቹዋ ቤዲዲፔ ኣቲን ሜቋ ኬሲዳ ሃይሴ ጊዳና። 17 ዳር ዋልቃማ ቦንቹዋፌ፡ «ታኒ ኡፋይቲያ፡ ታ ደሲያ ናዓይ ሃይሳ» ያጊያ ቃላይ ዩዳ ዋዴ ፆሳ ኣዋፔ ቦንቹኔ ጋላታ ኤኪሰ። 18 ኦኒ ጌሻ ዳሪያ ቦላ ኢያራ ዳዲያ ዋዴ ሄ ቃላይ ሳሎፔ ዩሺን ሰዒዳ።

19 ኦሰ ሄሳፌ ኣቋያ ኣማኔቲዳ ቲንቢቲ ቃሊ ዳዔሰ። ሳዒ ዋንታና ጋካናፌ ባካሊ ሂንቲ ዋዛናን ደላና ጋካናው፡ ቋማን ፖዒያ ፖዖ ኣሲ ናጌይሳዳ፡ ሂንቲ ሄ ቃላ ናጊኮ ሎዖ ኦሌታ።

20 ኡባፌ ካሴቲዲ ሃይሳ ኤሪቴ። ጌሻ ማፃፋን ፃፌቲዳ ቲንቢቲ ቃላ ኦኒካ ባ ደሲዳዳ ቢርሻናው ዳንዳዔና። 21 ቲንቢቲ ኡባ፡ ፆሳይ ኪቲዳ ኣሳቲ ጌሻ ኣያናይ ካሌሊን፡ ኦዲደሶናፔ ኣቲን ኣሳ ሸኔን ኦዲቦኮና።

2

ዋርዶ ኣስታማሬታ

1 ሺን ዋርዶ ናቤቲ ካሴ ኣሳ ጊደን ዳዔይሳ ማላ ሃዒካ ዋርዶ ኣስታማሬቲ ሂንቲ ጊደን ዳንዳና። ኤንቲ ባንታና ዋዚዳ፡ ጎዳ ካዲዲ፡ ቋይሲያ ዋርዶ ቲሚርቲያ ኤሃና። ሄሳን ኤንቲ ባንታ ቦላ ኤሌሲዲ ቋዮ ኤሆሶና። 2 ዳር ኣሳይ ዩላያ ኤንታ ኢታ ኦጊያ ካላና፤ ኤንታ ጋሶን ቱማ ኦጌይ ጨዩታና። 3 ዋርዶ ኣስታማሬቲ

1:17 ማቶ 17:1-5፤ ማር 9:2-7፤ ሉቃ 9:28-35

ሚሼ ያሪዲ ባንታው ሜዲ ከሲዳ ሃይሴን ሂንቲና ቦንቃና። ቤኒፔ ደሚዲ ኤንታ ፐርዳይ ገጊ ኡቲሰ፤ ኤንታ ጳዮይካ ኤንታና ናጊ ኡቲሰ።

4 ናጋራ ኦሊዳ ኪታንቸታሰ ያሳይ ቃዴቶና፣ ፐርዳ ጋላሰ ጋካናው ጋናሜ ጳማ ኦላን ኤንታ ቃቺ ዩጊሰ። 5 ሄሳዳካ፣ ያሳይ ዲሎቴላባ ኦዲያ ኖሄኔ ሃራ ላፑን ኣሳታ ኣሺዲ፣ ያሳ ጎይናና ኣሳይ ዴዲያ ቤኒ ኣላሚያ ቃዴቶና ጳዮ ሃላን ጳይሲሰ። 6 ጌላታሰ ሌሚሶ ጊዳና ማላ ያሳይ ሶዶሜኔ ጋሞራ ካታማታ ቢዶ ኦሊዲ ፀ-ጊዲ ጳይሲሰ። 7 ሃጌሰ ኪቲቶና ላይማቲያ ኣሳታ ጊዶን ዋዬቲሼ ዴዲዳ ዲሎ ሎፀ ያሳይ ኣሺሰ። 8 ሄ ዲሎ ኣዳይ ኤንታ ጊዶን ዴዲሼ፣ ኤንቲ ኦሊያ ኢታ ኦሱዋ ጋላሰ ጋላሰ ቤዲዳ ዋዴኔ ሲዲዳ ዋዴ ኢያ ሎፀ ዋዛናይ ኡንዴቲሰ። 9 ሄሳ ጊዲኮ፣ ጎዳይ፣ ባና ጎይኒያ ኣሳታ ፓጩፔ ዋቲ ኣሻኔኮ፣ ቃሲ ናጋራንቸታ ፐርዳ ጋላሳሰ ጋካናው ዋቲዲ ሴሪሼ ናጊሳኔኮ ኤሬሰ። 10 ኡባፌ ኣሊዲ ቱና ኣሞን ኣሾ ቆፋ ካሌይሳታኔ ማታ ኣዋታ ካዴይሳታ፣ ፐርዳ ጋላሰ ጋካናው ጎዳይ ናጊሲሰ።

ሄ ኣሳቲ ጋንጄ ሚኖኔ ኦቶራንቸ ጊዲያ ገሾ ሳሎ ማዴቴላታ ጫዴሼ ያዮኮና። 11 ሺን ኪታንቸቲ ዋርዶ ኣሰታማሬታፔ ዋልቃኔኔ ሚኖቴላን ዳር ኣዶሶናሺን ጎዳ ሲንላን ሳሎ ማዴቴላታ ጫዮኮና። 12 ሺን ሄ ኣሳቲ ባንታ ኤርናባን ጌሊዲ ጫዮሶና። ኤንቲ ኦይኪታናውኔ ሃይቃናው ዩሌቲዳ፣ ዋዛኒ ባይና ደዳ ማላ ሃኖሶና፤ ኤንቲካ ዋራ ደዳዳ ጮ ጳያና።

13 ኤንቲ ጋሊዳ ሜቱዋዳ ዛሪ ማቶታና። ሴታ ጋላሰ ዩጂሼ ጉፔይሳ ኡፋይሲያባ ጊዲ ቆፖሶና። ኤንቲ ካወሻታኔ ቱናታ ጊዲ ዴዲሼ ሂንቲራ ሻኬቲያ ሲቆ ኣማቱዋን ኡፋይቶሶና። 14 ላይማቲያ ማጫሲ ዪሊዲ ኣጎና ኣይፌይ ኤንታው ዴዴሰ፤ ቃሲ ናጋራ ኦሊይሳ ኣጎኮና። ኣማኖን ሚኒቦና ኣሳ ጨሞሶና። ኤንታው ኡባ ዋዴ ኣሞቲያ ዋዛኒ ዴዴሰ፤ ኤንቲ ቃንጌቲዳይሳታ። 15 ኤንቲ ሱሬ ኦጌ ኣጊዲ፣ ማካላ ሚሼ ሲቂዲ ባሊዳ፣ ቢዶራ ናባ ባላማ ኦጊያ ካሊዶሶና። 16 ኢ ባ ናጋራ ጋሶን ሃንቄቲሰ፤ ደኒ ባይና ሃሪይ ኣሳዳ ሃሳዬዲ ናቢያ ጎሻቴላ ቲቂሰ።

17 ሄ ኣሳቲ ማሊዳ ፑልቶታ ማላኔ ጫርኮይ ቶኪዲ ኤፊያ ሻራ ማላ፤ ኤንታ ናጌይ ሳካና ጳማ። 18 ኤንቲ ሃዳኔ ኦቶር ኦዳ ኦዴቲሼ ባላን ዴዲያ ኣሳ ጊዶፌ ከሲ ኤኪዲ ቡር ሚኒቦና ኣሳታ

2:5 ሜዴ 6:1-7:24 2:6 ሜዴ 19:24 2:7 ሜዴ 19:1-16 2:15 ታይ 22:4-35

ላይማቴላ አሾ አሞን ጨሚዲ ባሌሶሶና። 19 ኤንቲ ባንታው ጳዮ አይሌቴላን ዳዒሼ ሃሪታኮ፡ «ሂንቴ አይሌቴላፊ ኬያና» ያጎሶና። አይሰ ገኮ፡ አሲ ባ ያኔቴዳባ ኡባሰ አይሌ። 20 ኤንቲ አሺያ ኑ ጎዳ ዩሱሰ ኪሪሰቶሳ ኤሪዲ ሃ አላሚያ ቱናቴላፊ ኬሲ ኤኪዳፔ ጉዩ፡ ዛሪ ቃጻቲዲ ያኔቲኮ ካሴ ዳዒያ ዳዑዋፔ ጉዩይሲ ኤንታው ኢታ ገዳና። 21 ኤንቲ ጂሎቴላ ኦጊያ ኤሪ ሲሚዲ አጌይሳፊ ኮይሮቲዲ ጌሻ ኪታ ኤሮናኮ ኤንታው ሎዎሺን። 22 «ካኒ ባ ጮሻኮ ጉዩ ሲሚሰ» ቃሲ፡ «ሜጩቲዳ ጉዳንሶይ ጉዩ ሲሚዲ ኡርቃን ጎንዶሬቴሰ» ጊያ ለሚሶይ ቱማ ገዳይሲ ኤንታ ሶላ ኦሌሰ።

3

ጎዳይ ያና

1 ታ ሲቆ ኢሻቶ፡ ሃይሲ ታ ሂንቴው ፃፊዳ ዳብዳቤይ ናሞዓንሉ። ታኒ ሃ ናሞዑ ዳብዳቤታካ ሂንቴው ፃፊዳይ፡ ሂንቴ ሱሪ ቆፋ ቆፓናዳ ሂንቴና ዳንሌላናሳ። 2 ቃሲ ጌሻ ናቤቲ ቤኒ ኦዲዳ ቃላኔ ኦና አሺያ ጎዳይ፡ ሃዋሪታ ባጋሪ ኪቲዳ ኪታ ሂንቴ ሃሳያና ማላ ኮያይሰ። 3 ኡባፊ ካሴቲዲ፡ ዋዳ ዉርሴላን ባንታ አሙዋ ካሊዲ አሴ ቶቹይሳቲ፡ ቶቹሼ ያናይሳ ኤሪቴ። 4 ኤንቲ፡ «ታ ያና ገዳይሲ አዉን ዳዒ? ኑ አዋቲ ሃይቂዶሶና፡ ሺን ኡባባይ ሳዓይ ማጴቶሳፔ ዶሚዲ ዳዔይሳዳ ዳዔሰ» ያጎሶና። 5 ዳሮ ዋዳፔ ካሴ ሳሎይ ያሳ ቃላን ማጴቲዳይሳ፤ ቃሲ ሳዓይ ሃላፊኔ ሃላን ማጴቲዳይሳ ኤሪሼ ካዶሶና። 6 ሄ ዋዳ ዳዒያ ሳዓይ ሃላን ማቴቲዲ ጳይሰ። 7 ሺን ሃዒ ዳዒያ ሳሎይኔ ሳዓይ፡ ጌላቲ ፐርዳቲያ ጋላሳይኔ ጳያ ጋላሳይ ጋካናው ሄ ቃላን ታማሰ ናጌቲዲ ዳዎሶና።

8 ሺን ታ ሲቆ ኢሻቶ፡ ሃ ኢሲባ ዶጎፐ። ጎዳ ማታን ኢሲ ጋላሲ ሙኩሉ ላይላ ማላ ገዳይሳኔ ሙኩሉ ላይሌ ኢሲ ጋላሳ ማላ ገዳይሳ ዶጎፐ። 9 ኢሶቲ ኢሶቲ ጋሞዒሰ ገዲ ቆፔይሳዳ፡ ጎዳይ ባ ኡፋይሳ ቃላ ገሾ ጋሞዔና። ሺን ኦኒካ ጳዮና ማላ ኮዩዲ፡ ኡባይ ባንታ ናጋራፔ ሲማና ማላ ሂንቴ ገሾ ገዲ ጌንጩሰ።

10 ሺን ጎዳ ጋላሳይ ካይሶዳ ያና። ሄ ጋላሳን ሳሎቲ ዋልቃማ ጉንላን ጳያና፤ ሳሎ ማጴቲላቲ ታማን ፀጌታና፤ ሳዓይኔ ኢያ ሶላ

2:22 ለሚ 26:11 3:3 ዪሁ 18 3:5 ሜዴ 1:6-9 3:6 ሜዴ 7:11
3:8 ማዝ 90:4

ዴዲያ ኡባይ ጳጳና። 11 ሂዛ፣ ኡባባይ ሄሳዳ ሃኒዳ ጳጳባ ገዲኮ ሂንቴ ኣይ ማላ ኣሲ ገዳናው ቤሲ? ሂንቴ ገሺኔ ያሳ ዳኒያ ዴያ ዳናው ቤሲስ። 12 ሂንቴ ሲንጻራ ያ ያሳ ጋላሳ ናገሺ ሂንቴው ዳንዳዔቲያባ ኡባ ኦሊዲ ሄ ጋላሳ ኤሶዩቴ። ሄ ጋላሳ ሳሎቲኔ ኢያን ዴዲያባይ ታማን ፀጌታና፤ ዋልቃማ ሱላን ቲልዳና። 13 ሺን ኩኒ ዲሎቴሉ ሃሪያ ኦራላ ሳሎኔ ኦራላ ሳዓ ያሳ ኡፋይሳ ቃላዳ ናሳስ።

14 ሄሳ ገሺ፣ ታ ሲቆ ኣሻቶ፣ ኑ ሄ ጋላሳ ናገያ ገሺ ፖኮይኔ ቦሬይ ባይናይሳታ ገዲዲ፣ ጎዳራ ሳሮን ዳናው ማኒቴ። 15 ኣሲ ኡባይ ኣታና ማላ ኮዩዲ ጎዳይ ዳንዳዔይሳ ደሳፒቴ። ቃሲ ኑ ሲቆ ኣሻይ፣ ጳወሎስ፣ ያሳይ ኢያው ኣሚዳ ጨንጨቴላን ሄሳዳ ሂንቴው ፃፊስ። 16 ኢ ባ ዳብዳቤታ ኡባን ሄሳታባ ፃፊስ። ኢያ ዳብዳቤታ ገደን ኣኩካናው ዋይሲያ ቆፋቲ ዴያሶና። ታማሪቦናኔ ማኒቦና ኣሳቲ ሃራ ያሳ ቃላ ማርቆይሳዳ ሃ ኪታታካ ጳጳናው ማቺዲ ማርቆሶና።

17 ሄሳ ገሺ፣ ታ ሲቆ ኣሻቶ፣ ሂንቴ ሄሳ ኤሪያ ገሺ ማካላታ ባላን ጨማቲዲ፣ ጳጳና ማላኔ ማኒዲ ዴዲያ ቤሳፊ ኩንደና ማላ ናጌቴቴ። 18 ሺን ሂንቴ ኑና ኣሺያ ኑ ጎዳ፣ ዩሱስ ኪሪስቶሳ ኣጵ ኬሃቴላኒኔ ኤራቴላን ዲጨቴ። ኢያው ሃዒካ ማሪናዉካ ቦንቾይ ገደ። ኣሚንዒ።

3:10 ማቶ 24:43፤ ሉቃ 12:39፤ 1ቴሴ 5:2፤ ዮ.ቆ 16:15 3:13 ኢሳ 65:17፤ 66:22፤ ዮ.ቆ 21:1

ኦራሳ ጩቂዋ ጎፋላ
New Testament in Gofa

copyright © 2011 Wycliffe Bible Translators, Inc.

Language: Gofa

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Gofa

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-25

PDF generated using Haiola and XeLaTeX on 21 Feb 2024 from source
files dated 29 Jan 2022

c35d6c73-3843-5482-b53e-7559d35deee5